

Bonbiní! Den nos prome boletin informativo di 2020 akí nos ta pone bo na altura di e último notisianan tokante penshun. Disfrutá di dje.



Blog di presidente

## “Ta invertí bo prima di penshun lokalmente tambe”

Nos di PCN ta haña importante pa pèrkurá pa un bon penshun pa tur hende ku ta òf a traha den e sektornan di gobièrnu, enseñansa i kuido na Hulanda Karibense. Danki Dios nos ta finansieramente salú; ta un doló di kabes ménos.

Nos ta sòru bon bo plaka i ta haña importante pa invertí un parti di e plaka di penshun – bo prima di penshun - lokalmente. Den e boletin informativo akí nos ta konta bo tokante invershonnan lokal resien. I lo sigui mas di e tipo di invershonnan akí.

Nos mes ta spera e aña aki pa ofisina nobo, ku ta keda banda di nos aktual ofisina.

Den e boletin informativo aki nos ta pone bo na altura tambe tokante di kon nos ta pará finansieramente i ki dia eksaktamente bo por baha ku penshun. I nos ta konta bo ki posibilidat tin pa adelantá esaki òf al kontrario posponé esaki.

Bo tin pregunta tokante informashon den e boletin informativo akí òf bo kier sa mas tokante bo penshun? Tuma kontakto e ora ei ku nos. Bo ta haña e datonan di kontakto parti patras.

For di awor kaba mi ta deseá boso felis dianan di fiesta i un bon kambio di aña.

**Harald Linkels**, Presidente

## Invershon lokal pa mas rendimentu sosial

Direktiva di PCN den 2019 a buska aktivamente ki posibilidat tin pa invertí plakanan di penshun na Boneiru, St. Eustatius i Saba. P’esei a disidí pa kumpra e históriko ‘The Hill Compound’ na St. Eustatius. “No ta solamente importante pa konservá esaki pa futuro generashonnan, pero mi ta kombensí tambe ku – asina ku e desarojo di St. Eustatius kuminsá kana bon di bèrdat – esaki lo resultá di ta un ekselente invershon pa PCN”, segun miembro di direktiva Roy Hooker.

Anteriormente PCN ya a duna Old Gin House Exploitatie Maatschappij B.V. (OGHEM) un fianza pa hasi posibel pa nan kumpra e apartamentunan Talk of the Town na Sint Eustatius. PCN aña pasá a duna un fianza tambe na e kompania di aviashon EZ Air, miéntras ku e fondo di penshun ta partisipá tambe komo parti di un konsorsio mas grandi di finansiadó den finansiamentu di konstruksion di 500 kas di pueblo na Boneiru. E direktiva na e momentunan aki ta pensando riba invershonnan na Saba.

### Dikon nos ta invertí komo fondo?

Nos fondo di penshun ta risibí primanan di penshun. Un gran parti di e primanan ei nos ta invertí. Nos ta hasi esei pa gana mas plaka pa e partisipantenan den nos fondo di penshun. Di manera ku bo entrada mas despues por krese i pa nos tin chèns pa indeksá e penshun anualmente. Naturalmente nos ta invertí si kontra riesgo- i gastunan akseptabel. Te ku novèmber ku tur nos invershonnan nos a logra un rendimentu di 18,2%.

## Indeksashon ta sòru pa mas penshun den 2020

PCN a oumenta e penshun nan entrante 1 yanüari 2020 ku 0,75%. E indeksashon akí ta konta tantu pa trahadónan ku ainda ta konstruyendo penshun òf ku den pasado a partisipá na e areglo, komo pa personanan ku ya ta kobrando penshun. E prima den 2020 ta keda riba e nivel di e añanan ku ta tras di lomba, esta 22% di e entrada. Esaki direktiva a disidí resientemente.

Ounke 0,75% ta parse modesto, tòg asina ta kompensá e desaroyo di preis riba e islanan BES pa kasi 70%. T'asina ku inflashon den e último diesdos lunanan tabata promedio alrededor di 1,1%. Presidente di direktiva Harald Linkels ta kontentu ku PCN por indeksá atrobe. "E fondo a logra realisá un grado di kobertura haltu den 2019. Banda di esei fin di sèptèmber – despues di algun algun aña – nos a sali for di un término largu di rekuperashon". Tòg PCN mester keda kouteloso. "Den Kurso di aña pasa e interes merikano a baha fuerte i esei na su turno tin influensia riba e grado di kobertura".

### Kiko ta e grado di kobertura?

E grado di kobertura ta e proporshon entre propiedat di e fondo i e penshun nan ku e fondo mester paga (despues) (e obligashonnan di penshun). Ta ekspresá e grado di kobertura den porshento. Un grado di kobertura di 110% ta nifiká ku pa kada \$100 ku nos mester paga riba un dia na penshun, nos mester tin awor \$110 na propiedat.

## Ki tempu bo por baha ku penshun?

Seis luna promé ku bo edat di penshun bo ta risibí di PCN tur informashon ku bo tin mester pa por pidi bo penshun.

Bo edat di penshun ta igual na e edat di AOV di e islanan BES. Pero bo por skohe tambe pa baha mas tempran òf mas lat ku penshun. Bo por posponé bo penshun te máksimo sinku aña despues di bo edat standart di penshun, pero esaki mag ta por ehèmpel tres òf un aña tambe.

Bo no por bai nunca ku penshun mas tempran ku bo hasi 60 aña.

Den e tabèl abou nos a pone esakinan riba un rei pa bo.

| NASÉ              | EDAT DI PENSUN STANDART | EDAT DI PENSUN ADELANTÁ | EDAT DI PENSUN POSPONÉ (MAKSIMAL) |
|-------------------|-------------------------|-------------------------|-----------------------------------|
| Promé ku 1-1-1953 | 60 aña                  | 60 aña                  | 65 aña                            |
| Promé ku 1-1-1954 | 62 aña                  | 60 aña                  | 67 aña                            |
| Promé ku 1-1-1955 | 63 aña                  | 60 aña                  | 68 aña                            |
| Promé ku 1-1-1956 | 64 aña                  | 60 aña                  | 69 aña                            |
| Desde 1-1-1956    | 65 aña                  | 60 aña                  | 70 aña                            |

Si bo bai mas tempran ku penshun, bo ta risibí un pago di penshun mas abou. Esei ta pa motibu ku bo ta konstruí penshun durante un periodo mas kòrtiku i pasobra mester paga e penshun akumulá un periodo mas largu. Bo mester tene kuenta tambe ku ainda bo no ta risibí AOV di gobièrnu e promé añanan tampoko. Si bo kier stòp di traha mas tempran, bo por tuma kontakto ku un di nos ofisinanan.

Den konsulta ku bo dunadó di trabou bo por disidí pa keda traha mas largu. Bai ku penshun mas lat ta nifiká, ku bo ta risibí un pago di penshun mas haltu. Esei ta pa motibu ku bo ta bai konstruí penshun mas largu i pasobra mester paga bo penshun un periodo mas kòrtiku. Si bo kier posponé bo penshun, bo por indiká esaki riba e formularionan ku bo ta risibí seis luna promé ku bo alkansá bo edat di penshun.



# PCN

OFISINANAN

### Bonaire office

Kaya General Carlos Manuel Piar #5, Bonaire

T +599 717 09 84

E [info-bonaire@pensioenfonds-cn.com](mailto:info-bonaire@pensioenfonds-cn.com)

### Sint Eustatius

Mazinga Square, Oranjestad, Sint Eustatius

T +599 318 32 18

M +599 416 68 60

E [info-statia-saba@pensioenfonds-cn.com](mailto:info-statia-saba@pensioenfonds-cn.com)

### Saba

T +599 416 68 60

E [info-statia-saba@pensioenfonds-cn.com](mailto:info-statia-saba@pensioenfonds-cn.com)

### Online

F [facebook.com/PensioenfondsCN](https://facebook.com/PensioenfondsCN)

I [www.pensioenfondscn.com](http://www.pensioenfondscn.com)

## BISHITÁ NOS RIBA FACEBOOK

Bo tabata sa ku nos tin nos propio página di Facebook? Bo ta haña nos via

[facebook.com/PensioenfondsCN/](https://facebook.com/PensioenfondsCN/).

Aki por ehèmpel bo ta haña e último notisia finansiero tokante nos grado di kobertura.

Pero nos ta duna bo tambe tepnan útil tokante penshun i nos ta bisa kiko nos ta hasiendo.

## Edifisio nobo di Ofisina den 2020

Na novèmber PCN a firma e kombenio pa konstruksion di su edifisio nobo di ofisina den Kaya General Carlos Manuel Piar. Nos tin mester di mas espasio awor ku desde mas òf ménos un aña nos mes ta tene nos atministrashon di penshun. Dimi Construction B.V. ta enkargá ku e konstruksion. Pa por a logra konstruí un edifisio nobo, PCN a kumpra e edifisio bieu di Bureau Ziektekostenvoorzieningen (BZV). Entrega di nos edifisio nobo di ofisina ta planiá pa fin di 2020. E edifisio aktual ta keda e resepsion di PCN.